

M. PAULI JUUSTEN,  
EPISC. QUONDAM AB.  
**CHRONICON EPISCOPORUM  
FINLANDENSIVM,**  
ANNOTATIONIBUS ET SYLLOGE MONU-  
MENTORUM ILLUSTRATUM.

---

CUJUS  
PARTICULAM VI,  
CONS. FAC. PHILOS. R. ACADEMIAE ABOËNSIS,  
PRÆSIDE  
**HENRICO GABRIELE  
PORTHAN,**  
ELOQ. PROFESSORE REG. ET ORD.  
*Publicæ bonorum censuræ submittit*  
**CAROLUS GUSTAVUS SANMARK,**  
SATACUNDENSIS,

In AUDITORIO MAJORI die ~~10~~ Febr.  
A. MDCCCLXXXVIII,  
H. A. M. S.

---

ABOÆ, Typis FRENCKELLIANIS.

Krono - Befallningsmannen

Högaktad

Herr JOHAN SANMARK,

Min Huldaste Fader.

Den ömbet at offentligt prisa,  
Hvars frukter jag, med ymnigt mått,  
Från lifvets dagning samla fått;  
At af den eld en gnista visa  
Som lägar i mit rörda bröst:  
Jag dessa rader tekna ville.  
Men — hjertat svikes af mit snille,  
Som ej förmår sin svaga röst  
Til jämnenlikhet med känslan böja!  
Hur ljustig är mig dock den tröst,  
At sig en FADER låter nöja,  
För omsorg, kostnad och besvär,  
Blott hjertats känsla värksam är,  
Fast brister i des Kraft sig röja!  
Af denna vördnads känsla fölgd,  
Min bela lefnad skall förklara  
Hur dyr Er ömbet mig skal vara,  
Tils jag i stoftet blifver dölgd!

Min Huldaste Faders

Ödmjukligrste Son  
CARL GUSTAV SANMARK.

## *THESIS I.*

**S**ensum quendam moralem hominibus, nisi plane dementibus ac ad brutorum conditionem detrusis inesse, ejusque summam esse vim atque usum, haud negamus; sed nobiscum nasci, opus non est ut statuamus: ac cum erroribus, saepe haud levibus sit subjectus, rationis ope esse diligenter examinandum & emendandum, simul contendimus.

## *Thesis II.*

Conscientiae vocabulo non aliud, quam ipsum illum sensum moralem, homines vulgo significant; quae sane honesti turpisve sensum potius quendam involvit, quam distinctam & ratiocinio elicital officii cognitionem.

## *Thesis III.*

Inter *Commentarios* rerum gestarum, *Annales* & *Históriam*, discrimen statuere utique debemus.

## *Thesis IV.*

Judicia de consiliis & factis interponere, modo vera sint, apta, & a studio partium vitioso aliena, officio Historici haud repugnat. Nimia tamen talium judiciorum vel frequentia vel copia, seriem narrationis interrumpere atque opprimere, non licet.

## *Thesis V.*

Publicas aedes liberorum tenerorum educandorum gratia conditas, haud quidem putamus vel liberis vel civitati aequae præclaros promittere fructus, ac ubi domi a parentibus sapientibus diligenter educantur; sed scholarum tamen publicarum, vel necessitatem, vel ubi recte constitutæ sunt, tamen minime laudem eximiam in dubium vocamus. Harum vero plura genera, quam quibus nos jam gaudemus, condi debere, simul urgemus.

## *Thesis*

*Thesis VI.*

Qui, homini concessam esse facultatem putant, (Libertatem vocare solent Indifferentiæ) inter plures res, physice sibi possibiles, sepositis omnibus motivis, unam eligenti; non modo experientiæ adversantur, sed etiam doctrinam amplectuntur, cum qua facultas homines dirigendi moralis, obligationis vis, & prudentiæ vel paedagogicæ vel politicæ ratio confitentes nullo modo possunt.

*Tbesis VII.*

Nihil laudabilius, nihil magno & præclaro viro dignius  
esse placabilitate atque clementia, præclare monet CICERO:  
cur vero ad vindictam expetendam gravesque & diuturnas in-  
imicitias exercendas, homines barbari & statui naturali vici-  
niores, ferri vehementius soleant, ex ipsa status hujus indo-  
le atque conditione, non difficulter intelligitur.

### *Thesis VIII.*

Qui ex simplici natura animi concludunt, eum vi semper cogitandi non posse non pollere; inverttere verum colligendi ordinem videntur, qui ex cogitandi facultate simplicitatem ejus inferre, potius jubet.

nam aliquam gentem, sed plures & lingua & moribus diversas pertinere, laudati saepius a nobis auctores docent: sed *Obdorienses* tamen, *Beresowienses*, *Surgutenses* (& *Tobolkenses*), sive qui in ripa utraque fluvii *Ob* inferioris, ad urbem usque *Surgut* habitant, (addunt alii etiam fluvii *Irtysch* inferioris accolas), ad Fennicam esse stirpem referendas, iidem judicant; a qua *Narimenses* & *Tomskenses*, sive *Obio* superiori ab urbe usque *Narim*, & ostiis fluviorum *Ket*, *Tschulym* atque *Tom* vicinos, sermone & genere longe recedere, monent. Prius genus, quod *Chondi-Chui* l. *Kondy-cho*, (hominum de *Chonda*, f. scilicet ?) & *Tju-Kum* (hominum palustrium) sibi nomen indere narrant, etiam illud aliunde ad has terras sese delatum (ex Permia forte?), tradere significant; a Wogulis autem *Manji* appellari, (quo iidem nomine sese etiam ipsos ornant), perhibent. Cæterum plura de *Ostjakis* com-memorant JOH. BERNH. MÜLLER (Leben und Gewohnheiten der Ostjaken) in WEBERS veränderte Russland I Th. p. 169—214, YSSBRANT IDES l. c. C. V; G. FR. MÜLLER l. c. VI B. p. 161—517 passim; FISCHER l. c. §. 73—76; PALLAS III Th. p. 38—66; GEORGI Beschr. der Uaz. Russlands p. 71 sqq; Falk II B. p. 463—467.

Harum igitur omnium gentium sedes, a Caspii prope vicinia maris ad terras Septentrionali Oceano confines, pertinentes, quamvis interrupta hodie passim serie, post tot conversiones rerum turbasque exitiosas porrigan-tur (44), continuo tamen olim ordine excepsisse,

L

cer-

(44) Quibus opportunitas deest laudatos supra de his gentibus auctores specialiores adeundi, iis vel eximio opere Geographicò Büschingiano (Neue Erdbesch. P. I, Vol. 1, ubi sc. imperium describit Russicum) consulendo cognoscere easdem licet; in primis si conferre simul placet AUG. LUDOV. SCHLÖZER, l. c. §. 16, p. 301—306, aut Ejusd. Probe

certum fere videtur (45): quibus porro conjuncta fuisse cognata

Russischer Annalen, II Abtheil. §. 14, p. 101-111. Adderem *Hist. des différents Peuples soumis à la domination des Russes*, par Mr. LEVESQUE, T. I, P. III, p. 361 sqq., eorum in gratiam quibus satis patientiae suppetit ad intrusas passim philosophicas (si diis placet) sententias auctoris devorandas, si fidere hujusmodi scriptoribus tuto licet: certe quæ Sect. IX de Fennis habet, (quæque de totius etiam Magni Ducatus Finlandia pronuntiare incolis videtur?) talia sunt, ut multum fidei reliquis auctoris vel narrationibus vel judiciis conciliare apta haud sint; eujus offendit calumniis posses, nisi risum potius turpi Galluli inscitiae ridiculaque temeritati deberi, quam stomachum, mox vienes. Servos puto aliquos infelices in Russia, Fennicæ stirpis, videbat, ex quorum conditione mox de moribus ac fortuna totius gentis judicare non dubitavit; misera ejus fortis magis etiam motus commiseratione, ubi felicissimum, scilicet, rusticorum in patria sua statum cum fato illorum contenderet!

(45) Quam sit verisimile, interjecta quoque hodie inter harum gentium sedes loca ab iisdem olim fuisse occupata, cum & numerosiores & sui adhuc juris essent, (ante videlicet quam a Mongolis, Tataris, Russis &c. crudeliter affligerentur, dispergerentur ac subjugarentur,) facile quisque videt; quod ex Russice Historiæ monumentis, in primis ubi diligentius collecta editaque consulere aliquando licuerit, docere haud erit difficile. Vel Perniorum late quondam patens florensque regnum, quorum vix sparsæ superflunt hodie reliquæ, hanc rem confirmat. Etiam Baschkiros ad Fennicum genus pertinuisse existimat FISCHERUS, l. c. §. 69, eujus verba sunt: Von den Baschkiren, ist ohnedem bekandt, daß sie nicht Tatarischen Ursprungs, ob sie gleich heut zu tag Tatarisch reden; daher sie auch von ihren nachbaren den Kirgischen Kisanen (qui Tataricæ stirpis sunt) Uschtak (Ostjaken), d. i. Fremde genannt werden. Und ich zweifle nicht, wenn wir von der alten Baschirischen Sprache überbleibsel hätten, daß viele Spuren der Heutigen Umgreischen sprache darum anzutreffen sein würden, &c., adeo ut victorum linguam, vernacula penitus oppressa (minime inaudito exemplo) adoptasse illos censeat: cfr. SCHLÖZER Probe Russ. Annal. p. 115. Cui tamen sententiae probanda idonea hacenus desideramus argumenta; licet absurdam haud putemus. Nec a fide abhorret, quasdam generis Fenisci partes, populosque adeo, illas inter turbas hostilesque vexationes, prorsus interiisse.

cognati ejus populi domicilia qui olim *Novgorodensem*,  
*Plescovensem*, *Petroburgensem*, *Eftlandensem*, *Olonezensem*  
provincias habitavit (cujusque reliquiae in *Estonibus*, *In-*  
*gris*, *Livis* (46) & *Careliis* Russico item sceptro subje-  
ctis supersunt), æque esse indubium putamus. Situs ipse  
locorum demonstrare videtur, *Tschudos* illos quibuscum  
Slavi advenæ conjuncti ortum Novgorodensi dedisse im-  
perio, Russorum Chronographis, veterum nixis traditio-  
num fide dicuntur (47), Fennici fuisse generis. *Estones*  
certe, indubiam hujus stirpis vicinamque ab una parte  
propaginem illo in primis venisse olim nomine, omnes  
consentient (48); *Biarmios*, proximum ab altera parte po-  
pulum, seculo jam nono opibus industriaque floruisse,  
in confessu est (49), quos ad hoc genus pertinuisse ne-  
mo negat (50); ac satis mature *Carelios* quoque, sive ut  
in vetustis Norwegorum Islandorumque monumentis &c.  
audiunt, *Kyrialos* (51), eadem quæ hodie occupant loca

L 2

tenu-

(46) De hoc populo (cum *Lettis* haud confundendo) ejusve reli-  
quiis cfr. SCHLÖZER in M. Joh. Jos. Haigolds (h. e. *Ejusd.* SCHLÖ-  
ZERI) *Bevöl. zum Neuerland*. Russland, II Th. p. 345 sqq.

(47) Cfr. MÜLLERS Samml. Russ. Gesch. I B. p. 6 & 10. C. G.  
ARNDTS *Neues St. Petersburgisches Journal* 1783, I B. p. 162 sq.  
166 & 178; II B. p. 75 sq.

(48) Vid. MÜLLER l. c. p. 10, not. (46), & V B. p. 402.

(49) Vid. SNORRII STURLONIDIS *Heims-Kringla* Ed. Pering-  
skoldii T. I p. 110, 185, 621 sqq. (Ed. Schöningii T. I p. 110, 182;  
T. II p. 219 sqq.) LANGEBEK *Scriptores Rer. Danicar. Medii Ævi*  
T. II, p. 109 sq. Cfr. TORFÆI *Hist. Rer. Norvegicar.* P. I, L. III.  
C. 25, p. 163. sq.

(50) Vid. LANGEBEK l. c. not. (4), & (1), ac quos laudat.

(51) *Byrjaler* & *Kirjaler* quorum terra vocatur *Kyrjaland* &  
*Kirjaland* (Cfr. TORFÆUS l. c. P. II, L. I C. 17, p. 32). Ipsi nem-

tenuisse constat: quos quidem post Novgorodensem demum Civitatem conditam atque opibus invalecentem (adeoque post seculum V aut VI?) ad illas terrarum partes penetrasse, nemo puto existimabit. Quæ itaque omnia, indicatas nuper a nobis regiones ab hominibus Fennicæ prosapiæ habitatas olim fuisse, haud obscure produnt,

*Lappones* tandem, antiquissimos sine dubio septentrionis nostri (etiam Finlandiæ) incolas (52), ad eandem refe-

pe se vocant *Karjalainen* (pl. *Karjalaiset*), terramque suam *Karjala* s. *Karjalan maa*. (An a *Karja*, Fenn. *pecus*, *gregem*, significante?). Hos cum Norwegis seculo jam IX prælia fecisse, l. c. tradit TORÆUS, quam tuta fide, non dicam; eosdemque (eodem seculo) a Rege Sveorum Erico Emundi filio subactos fuisse narrat in famosa oratione *Thorguyrus Legifer* apud STURLONIDEM l. c. T. I p. 485. (Ed. Schönb. T. II p. 104).

(52) Cfr. *Diss. de Bircarlis* P. I (quam a. 1786 hic edidit Dn. Franc. Mich. Franzen, 40) §. I. *Fennos*, qui hodie dicuntur, (*Suomalaiset*), septentrionis nostri esse aborigines, *Lapponesque* eorum esse coloniam vel subolem, aut post Fenniam deum nostram a Svecis invasam a Fennico genere ac stirpe dissestisse quamque hodie sustentantur vite rationem adoptasse, absurdia prorsus est hypothesis, multisque nominibus monumentis rerum certissimis adversa. Appellationem *Finnorum*, in vetustis Norwagorum Islandorumque monumentis celebratam (indeque ad TACITI quoque aures propagatam), ei genti quæ *Lapponum* hodie nomine venit (quod posterioris nomen seculo XII antiquius non esse fatentur,) olim fuisse propriam, omni caret dubio; eamque genteia & ita appellat & sedes vitæque sustentanda rationem luculenter seculo nono describit OTHERUS (*Peripl.* apud LANGEBEKIUM l. c.). Lappones totam primitus Scandinaviam, probabile est; quod de Fennis nostris dici idem haud potest; quin *Fenniam* quoque nostram (imo etiam *Estoniam*, unde iis fere locis collocasse eosdem TACITUS videtur,) ante hodiernorum incolarum in has regiones adventum eosdem olim pererrasse, doceri potest. In *Laponica* igitur lingua, non autem in *Fennica*, origines nominum peregrini generis quæ locis quibusdam Svecicæ adhæserunt, radices item vocabulorum non patiorum Svecicorum quæ dialectis Germanicis reliquis ignota sunt, investigare oportet. Nec ego

referendos esse stirpem, linguae suæ cum reliquis a nobis commemoratis comparatio arguit: qua instituenda interdum reperimus ad aliarum commemoratarum a nobis nuper gentium idiomiata, quam ad Fennicum, proprius Lapponum vocabula & loquendi morem accedere (53); unde hos itaque propiori quadam nostros Fenos, quam alias ejusdem generis nationes, cognatione haud contingere, contra quam multi pronuntiarunt yiri eruditii, luctuenter appetit.

De quarum omnium nationum hac quam linguarum similitudo indicat affinitate, ut quadantenus existimare queant etiam quibus opportunitas deest auctiores consulendi quos laudavimus, quique commodam diligentius hujus rei judicium exercendi materiam præbent, tabellam adposuimus, speciminis loco quorundam vocabulorum simpliciorum ususque perpetui comparationem exhibentem, iisdem verbis Russice etiam atque Tatarice adjectis, ut quantum ex harum gentium linguis illæ, de quibus nobis quæstio est, vel abeant, vel ad has accedant, videre simul liceat (54). Cumque *Ungrorum* præterea

L 3

gen-

quidem dubito, ubi cognitionem inter vocabula Svecica & Fennica intercedere manifestam video, quorum vestigia in Lapponica (aliisve cognatis Fennici generis) nulla reperio, eadem Fenos potius ex Svecis quam hos ex illis mutuasse, pronuntiare.

(53) Sic *Auris Fennis Korva*, ac *Estonibus Körw* dicitur, Lapponibus vero *Petje*, *Tscheremissis Pillisch*, *Mordwanis Pild*, *Wogulis Pel*, *Wotis Pell*, *Ostjakis Pel & Pelt*, *Permis Pelles I. Pel*, *Syrjänis Pel I. Pjel*, adde *Ungris füli*: Lappones & Ungri numero utuntur *Duali*, quem Fenni ignorant, &c.

(54) Fundamenti loco indiculum adhibuimus a Celeb. PALLAS l. c. T. III p. 57 exhibitum, linguarum *Ostjakis*, *Wogulis* & *Mordwinis* usitatarum; cum quo Vocabularya contulimus Grammaticis Linguarum *Tsche-*

gentem ex hac eadem natam esse stirpe, viri docti docue-

*remitshicæ, Tschuwaschicæ* (vid. supra p. 72 sq. & p. 76) & *Woticæ* (eius facere oblitus supra sumus mentionem, quæque edita item fuit Russice, Petrop. 1775, 4:o) adjecta, ac indicem a MÜLLERO traditum (l. c. T. III. p. 382 sqq.) linguarum *Tscherem, Tschuwasch, Wot, Mordwan, Permicæ, Sirjænicæ & Tataricæ*, nec non quem habet SCHLÖZER (l. c. p. 308 sqq.) linguarum *Wogulicæ & Ostjacorum Kondensium* fluvio Irtysch vicinorum, & *Fischeri* Vocabulario Polyglotto (quod possidet R. Institutum Historicum Gotting.) mutuatum, coll. ipsius ~~FISCHERI~~ libro supra laudato, Einl. p. 162 sqq. it. indice quem dedit FALK l. c. T. II. p. 467 sqq. Quos fontes indicavimus, ut quibus volupe fuerit rem ulterius persequi, videant unde abundantius liceat haurire.

Fateri tamen simul oportet, quod etiam supra significavimus, neque ex hujusmodi indicibus solis linguarum & collectoribus & collatoribus ceterum plane ignotorum, aut certe parum cognitarum, satis ubique tutum aut locuples de earum cognitione judicium fieri posse, neque magnam illam Orthographiæ in verbis scribendis populorum qui literarum ipsi usu destituuntur (quorumque hinc sonos alii aliter & percipiunt & signandos, suo quisque more, putant) varietatem atque ambiguitatem permettere ut eadem semper fructuose inter se contendantur. Quamobrem multum utique dubitationis ac obscuritatis adhuc restat; coque plus, quod Dialectorum quoque varietas, quam in rudibus hujusmodi linguis haud parvam esse & res ipsa monet, & aperte scriptores testantur (cfr. MÜLLER l. c. III. B. p. 329 sqq.), non potuit non lacunas fallaces parere, ac diversis vocabulorum collectoribus diversis saepe locis in sermonem incolarum (ejusdem ceterum nationis) inquirentibus, varia, neque semper consilio querentium idonea, earundem rerum offerre nomina. A vitiis præterea scriptioris & sphalmatibus typographicis, in tali argomento vehementer molestis, istos indices haud esse immunes, facile quisque existimaverit; qualibus laudatum illud Vocabularium *Fischerianum* (de quo vid. SCHLÖZER l. c. p. 292 (B), &c.) quantum quidem ad linguam attinet Fennicam, haud paucis laborare vidimus, cum Gottingæ versantibus copiam illud inspiciendi Celeb. GATTERER nobis indulgeret. Cujus generis quedam in Tabella quoque nostra occurrere exempla putamus, quæ nos quidem fideliter ex auctoribus nostris expressimus; v. g. quod *Wotjackis* tria *Pin*, & sex *Pat* dici (quod alii *Kwin* & *Kwat* scribunt, reliquis linguis cognatis ad stipulatis) legitur apud Dn. FALK l. c. qui idem *Tschersenissos* lapidem *py* ap-



cuerint (55); eadem verba Ungrice expressa ad hujus quoque causæ arbitrium commodius reddendum subjecimus; quem indicem *Samojedica* tandem eorundem vocabulorum interpretatione auximus, confirmandæ viorum eruditorum sententiaæ idonea, qui nullam omnino huic genti cum *Fennico* genere intercedere cognationem, me-

---

pellare auctor est, pro quo alii *ky* habent, linguis cognatis convenientius, cuiusmodi orthographiae singularis alia quoque exempla apud eundem offendas. Sie Deum Wotis dici *Jumar* alii docent, alii *Innar*, invitatis hoc quidem linguis cognatis; Wogulis *nubem* alii *tull* *aiki* *pul* efferri, hoc quidem analogiæ reliquarum linguarum congruentius; iisdem Wogulis *tugurium* *kol*, quod eadem ducti ratione *kot* scribendum fuisse suspicamus, Etc. Aliquis talibus caussis varietas quoque est tribuenda, inter verba *Wogulica* quæ ex indice *Fischeriano* asserti l. c. p. 308 sqq. SCHLÖZER, & quæ in Tabella nostra comparent, (ex aliis laudatis nuper fontibus hausta) conspicienda; ita apud illum *Kurom* 3, *Outello* 9, *Lou* 10, *Numna* cœlum, *Kotol* sol, *Jonkup* luna, *Ma* terra, *Achtosch* lapis, *Kum* homo, *Kumen* vir, *Scham* oculus, *Pitim* labium, *Kwal* hypocaustum, *Jaut* arcus, &c efferuntur. E quo exemplo de toto hoc genere judicare, facile est; eique consilio adjuvando ut tabella etiam inserviret nostra, studuimus, in qua linguae Fennicæ perito quedam erunt obvia ejus ignaris vix percipienda: ex. g. *Bi* Perniorum & Syrjanorum convenire cum Fennico *Pii*, filex qui igni executiendo inservit, *Tu* Wogulorum, *Ty* Wotjakorum & Perniorum, affine videri Fennico *Suo* (*palus*) & Ungrico *Tó* piscina, eodem modo ac *Szel* Ungrorum cum nostro *Tuli*, &c.

(55) Cfr. SAINOVICZ *Demonstratio Idioma Ungarorum & Lapporum idem esse* (Hafn. 1770, 4:o) & quos ille citat Auctores. Rectissime autem monuit Dn. SCHLÖZER (l. c. p. 305, not. II) verba *idem esse* admodum hyperbolice a Sainoviczio adhiberi, pro cognitione conjungi; nihil enim aliud demonstrare voluisse videtur. Negari vero nequit, magis cum *Lapporum* lingua (ac forte etiam, quod SCHLÖZERO placet, *Vogulorum*, nobis quidem minus adhuc quam vellemus cognita) quam cum *Fennorum* nostrorum convenire videri; nec dubito, quin orthographia harum linguarum diligentius constituta & collata, atque casuum præterea doctrina apud Ungros ad candem normam quam Fennicæ perspicacissime constituit in Grammatica sua VHAELIT'S exacta, mutuo hinc fructu singulariter augeri queant.

merito judicarunt (56), quæque igitur, ne perpetuis hæc  
dis-

(56) Vid. SCHLÖZER l. c. p. 295 sqq & LINDHEIM de diversa origine Finlandorum & Lapponum, in Nov. Att. R. Societ. Scientiar. Upsal. Vol. II p. 32 sqq. Cfr. PALLAS l. c. T. III, p. 67 sq.; qui etiam obser-  
vat, forma faciei ad *Tungusos* proprius quam ad *Fennos* accedere. Index  
vero Vocabulorum, quem subjungere placuit, talis est:

<i>Lat.</i>	<i>Ungr.</i>	<i>Samojed.</i>
1	Edgy (leg. <i>Edsch</i> , & f. p.)	Op.
2	Kettö	Side.
3	Három	Njar.
4	Negy	Toss, tet.
5	ött	Samljak.
6	Hat	Mat.
7	Hét	Sju.
8	Nyoltz	Sindet.
9	Kilentz	Chasowuju, Chabeju.
10	Tiz	Ju, luzeju.
100	Szaz	Luze jur.
1000	Ezer	Ju jur, U jur.
Deus	Iken	Chaj.
Cœlum	Eg, (Mennyet)	Num.
Nubes	Felyhö	Tur, Tir,
Ventus	Szel	Merze.
Nix	Hó	Jumtsche, Chat,
Sol	Nap	Chajer, Cha-er,
Luna	Höld	Jalomda.
Ignis	Tûz	Tu.
Aqua	Viz	Gii.
Fluvius	Folyo-viz	Jaga,
Lacus	Tó (proprie <i>piscina</i> )	To.

disputatio turbis permisceatur, huic generi porro intrudi haud debet.

M

Se-

<i>Lat.</i>	<i>Ungr.</i>	<i>Samojed.</i>
Terra	Föld, Mezo campus (Fennis Met- zā silva)	Ja.
Lapis	Kö	Paj.
Ferrum	Vas	Jeze.
Homo	Ember	Luze.
Vir	Fér	Vajzoka.
Oculus	Szem	Sajva.
Auris	Fül	Cha, Chavón.
Labium	Ajak	Tipte, njaúvar.
Lingua	Nyelv; unde Nyalom <i>lambo</i> , Nyelem <i>glutio</i> (Fennis <i>Nuo-</i> <i>len &amp; Nielsen</i> )	Neme, Njame.
Tugurium	Sátora, Haz <i>domus</i> .	Met, Mjat, <i>domus</i> .
Arcus	Jy	Inn.
Sagitta	Nyil	Munk.
Piscis	Hal	Chale, Cha-lja,

Verba Samojedica ex Indice sumsimus quem inter alias quasdam sche das Lindhemianas acquisitum Bibliotheca nostra Academica asservat, quemque ex eodem profluxisse fonte, unde suum Cel. SCHLÖZER hausit, (vid. Ej. Illg. Nord. Gesch. p. 292 sq.), non dubitamus; cfr. LINDHEIM l. c. p. 34 sq. & Hist. nostram Bibliothecæ Acad. Aboënsis p. 196. Pauca illa hujus lingua vocabula, quæ cum idiomate Fennici generis nationum, in tabella nostra commemoratarum, quarundam conveniunt, per viciniam aut ab his ad Samojedos, aut a Samojedis ad has transisse, existimanda sunt; ut *Num cælum*, quod cum Wogulis & Ostjakis quibusdam commune habent, *Merze ventus*, *Tscheremissorum Mardefcb* affine, item *Tu ignis*, *Jaga fluvius*, *To lacus*, *Chale piscis*: quorum aliqua casui etiam similitudinem hanc debere, ut *Siu*, *septem*, cum *Svecico* ejusdem numeri nomine, credi potest. Fennicæ autem nostræ cum nonnullis linguarum sœpe dictiarum major evicta jam est similitudo, quam ut cognationem earum insignem quam viri celeberrimi laudarunt, suspectam habere cum Cl.

Sedes igitur hominum Fennici generis priscas ubi-  
nam locorum investigare oporteat, ex dictis judicium  
haud difficulter fieri posse persuasi (57), porro censemus  
*Lappones* quidem, pastoritiae constanter vita deditos, an-  
tiquissimis jam temporibus a communi stirpe divulgatos  
ad septentrionem tetendisse; reliquas vero ejusdem colo-  
nias, agriculturæ interim arte partim auctas, sive nume-  
ro hominum semper crescente, sive injuriis vicinorum  
(fer-

THUNMANNO licet. Cfr. *Ejusd. Unters.* über die Alte Gesch. einiger  
Nordischen Völker, p. 199 sq.

(57) Non igitur commentum modo *Rudbeckianum*, de gentis Fenni-  
æ ex decem tribubus Israëliticis in exilium Assyriacum abductis origine,  
merito explodimus, ut hypothesin idoneis omnino destitutam fundamentis;  
sed neque Celeb. SCHÖNINGII ad stipulari sententiae possimus, qui  
prima vestigia hominum generis Fennici in hodierna Wolhynia & Ukrainia  
Historiarum scrutatori occurrere, pronunciat, deinde in Mazovia & septen-  
trionalibus Lithuaniae partibus deprehendi, &c. Om de Norskes oprin-  
delse C. VI, §. 11 & 12; Norges Riiges Hist. C. II, §. 27. Nimis a ve-  
ris suis sedibus hæc hypothesis majores Fennorum removet: qua deinde  
vir doctissimus abutitur ad duas alias non minus falsas opiniones stabilien-  
das, nempe Fennos (*Lappones*) non posse antiquissimos esse septentrionis no-  
stri incolas; ac eodem, quamprimum sedes suas ad septentrionem adinvo-  
verent, aut non multo post, a Norwegis fuisse subactos ac tributarios factos,  
Quæ posterior assertio, ita generaliter ac rotunde proposita, quam vehe-  
menter etiam a specie veritatis abhorreat, in oculos mox cuique incurrit,  
a studio partium non abrepto. Lappones enim temporibus nato Christo  
anterioribus septentrionem jam adiisse, certum haberi debet; atque vel  
ex fama eorum ad TACITUM perlata (hos enim Fennorum nomine signi-  
ficat), colligere licet. Quo tempore oræ etiam sinus Fennici australiori  
vicinas tenuisse adhuc terras videntur; unde parti Estoniae, seculo post na-  
tum Christum XIII appellatio *Lappgunda* (h. e. *ditio s. regio Lapponum*)  
etiamnum adhæsit: Cfr. Disp. D:ni FRANZÉN supra citat. p. 2 fqq not. (b)  
(c) (d) (e). Ultra fluvium vero Uloënssem Norwegos potentiam suam ex-  
tendisse, ne ipse quidem SCHÖNINGIUS, ut patet ex aliis locis, docere co-  
natur. Cfr. *Ejusd. Forsøg til de Nordiske Landes, särdeles Norges, gam-  
le Geographie*, §. 28 &c.

(feraci motuum & turbarum regione Mongolorum, Tararorum &c. haud procul sita) sollicitantibus, sensim fusile secutos. In Finlandiam autem dupli via maiores nostros venisse, Lapponesque inde paullatim submovisse, probabile est. Primum quidem littora sinus Fennici secuti videntur, dumque alia pars australius illud Estoniae insederet, quin alia secundum borealius Fenniae, sedes suas explicaret, vix dubitare licet: quæ deinde colonia, longius sensim proiecta, totam denique Finlandiae oram hanc maritimam occupavit, Lapponibus ad interiores provincias rejectis. Proxima Finlandensis populi cum Estonico affinitas, qui ejusdem linguae dialectis modo diversis utuntur, (quosque interjecti Ingri, intimum sinus recessum accolentes, utrosque contingunt, linguae etiam cognatione proxime utrisque conjuncti), situs locorum, quamque ille hominibus ex orientalibus partibus, unde stirpem communis generis propagatam esse docuimus, advenientibus offert sese secundum littus utrumque quasi diffindendi, opportunitas, hanc firmat opinionem. Necesse itaque haud putamus, maiores nostros ex Estonia demum omnes huc arcessere; quam sententiam tuendam ornandamque l. c. suscepit Nobil. LINDHEIM: licet quosdam subinde trajecisse a fide non abhorreat, perpetuumque inter litoris utriusque incolas commercium intercessisse utique constet. Deinde ex Olonezenſi provincia ac veteris Permia vicia Carelios in Savolaxiam penetrasse, submotisque itidem Lapponibus, (qui a Tavastis, maritimæ illius ac antiquioris coloniæ propagine, ab alia parte pressi, magis magisque ad septentrionem sese conferre omnes sensim coacti sunt), ea loca occupasse, dubio caret: quamobrem hodieque in binas quasi nationes, & dialeto & moribus notabiliter distinctas, gentis licet ejusdem, Finlandiae nostræ incolas dispelcere licet; ad qua-

rum aliam Fenni Nylandiam', Finlandiam proprie di-  
ctam, Satacundiam, Tavastiam, Ostrobotniæ plurimam  
partem inhabitantes, ad aliam vero Carelii, Savones, di-  
tionum Rautalambensis, & Cajaneburgensis in Ostrobot-  
nia, cultores pertinent. Eaque res caussam simul indi-  
cat, cur diu post habitatam jam a Fennis nostris austra-  
liorem maritimæ hujus oræ partem, & Savolaxiam etiam  
meridionalem a majoribus hodiernorum incolarum occu-  
pataam, Lappones tamen regionem interjectam ac septen-  
trionales Finlandiæ partes pererraverint: quod testimoniis  
monumentisque idoneis infra demonstrabitur:

*Tempus* quidem harum migrationum a majoribus no-  
stris ad hæc loca factarum, accurate definire, in summa  
monumentorum quæ res adeo vetustas illustrent inopia,  
haud licet; (eamque difficultatem auget ambiguitas ap-  
pellationis *Fennorum* vel *Finnorum*, quam ad Lappones  
olim solos pertinentem ad nostros majores temere non  
esse ubique trahendam, sæpius monuimus): sed ante seculum  
tamen post Christum natum III aut IV longinquas atque  
dissitas has regiones vix adiisse, credas. Cum revocamus  
in mentem, agriculturae quandam peritiam secum hoc  
adduxisse videri, ac terram tamen nostram tempore in-  
vasionis Svecicæ, ac diu etiam postea, parum adeo habita-  
tam excultamque fuisse, ut in superioribus provinciis  
Lappones vitam consuetam ducere tranquille potuerint;  
documento hæc esse videntur, Fenos nostros longa tum  
harum terrarum possessione gavisos nondum fuisse. Necho-  
diernos *Estones* suæ provinciæ multo antiquiores esse in-  
colas, putamus. Nomen enim *Ostiorum* atque *Æstyorum*  
quod longe antiquius sit, id nihil quidem ad hanc rem  
momenti assert; *Orientales* nempe illas terras earumque  
populum, cujuscunque ille cæterum gentis fuerit, a Ger-  
manis

manis potuisse recte appellari, quis neget? Ut etiam nostram Finlandiam in antiquioribus Svecorum monumentis Österland, terram orientalem, solenni nomine dici, ac Legiferum Finlandiae Lagum i Österland audire, res est notissima; additis interdum, ad appellationis ambiguitatem evitandam, verbis: Aboes Biscopsdöme, vel i Abo Biscopsdöme (terra orientalis, Svecorum sc. imperio subiecta, Aboensis Diocesis) (58).

Sui juris fuisse Fennos, tempore quo Regis ERICI armis infestarentur, necdum peregrino adsuertos imperio, valde est verisimile. *Normegorum* potestati unquam Finlandiam nostram paruisse, commentum est ab omni veritatis specie abhorrens. *Russis* fuisse subjectam, antequam sub Svecorum ditionem caderet, asserti nugator qui *Chronicon Finlandiae* consarcinavit, *Bibliothecæ Nettelbladtianæ* insertum (59), more suo nullas asserti adducens rationes; cui concinere MESSENIUS in *Chronico Rhythmico Finlandensi* videtur (60), ex æque lutulentis ille quoque puteis hauriens; quorum virorum opinio, in quantum tamen de *Careliis*, proximas Russiae finibus regiones inhabitantibus valeat, infra videbimus. Svecorum autem imperio plurimam Finlandiae partem multis jam ante R. ERICI Sancti expeditionem seculis fuisse subditam, ma-

M 3 gis

(58) Cum de *Estonum* terra sedibusque loquentes, sinus Fennici ac colas, ut hodieque sunt, fuisse diximus; non tamen negamus, latius eos olim fines suos extendisse, atque ad *Curlandiam* (& *Prussiam*) usque progressos fuisse, quod viri docti monent. Cfr. THUNMANN l. c. p. 8, 17-25, & 195.

(59) P. 97.

(60) Aboë 1774 ed. p. 13. Quid de auctoritate MESSENII, cum de rebus antiquis scribens testes nullos assertorum suorum excitat, censemendum sit, abunde docuit, magno Patriæ damno Historiæ creptus nuper rebus humanis III. LAGERBRING.

gis idonei auctores, non contemnendis nixi argumentis, contendunt (61); causam etiam justam arma contra Fennos movendi, recuperandi nempe imperii temere abjecti, hinc Regi præbentes. Provocant ad auctoritatem maxime STURLONIDIS, apud quem *Thorgnyrus*, Legifer Tiundiæ, in famosa oratione quam in Comitiis Upsaliensibus tempore Regis OLAI *Skotkonung* eundem habuisse tradit, inter alia pronuntiat: *Avus meus paternus Thorgnyrus, Erici meminisse potuit Upsaliarum Regis, Emundi filii, quem narravit viridi ætate florentem, expeditis quavis ætate armis & copiis, varias adiisse regiones, suoque imperio subjecisse (oc lagdi undir sic) Finlandiam, Kyrialiam, Estoniam atque Curlandiam, nec non plures late ad orientem fitas regiones, ubi etiamnum cernere licet congestos ex cespite aggeres aliaque fortiter ibi & præclare adeo gestorum rerum monumenta* (62). Qui memorabilis sine dubio locus est, atque Regem illum insignes utique res in regionibus orientali huic maris Baltici littori adjacentibus gessisse, demonstrat. Verbis tamen ipsis attente consideratis, non tam imperio suo dictas omnes regiones subjecisse, aut animo ditionem suam dilatandi expugnasse, quam incursionibus frequentibus piraticisque expeditionibus littora vexasse, prædasque inde, veterum more Vikingorum egisse, docere *Thorgnyrus*, nobis quidem videtur. Quare eum *quavis ætate tales fecisse* expeditiones dicit (at *bann bafdi hvert sumar Leidangr uti*); neque facile, puto, quisquam existimabit, iis temporibus copias Svecorum tumultuariis hujusmodi bellis aliud

(61) VON DALIN l. c. I D. 18 C. 21 §. p. 570. LAGERBRING l. c. I D. 5 C. 16 §.

(62) Vid. *Heims-Kringla* T, II, C. 81. Ed. Schöning. (T. I p. 485. Ed. Peringsk.)

tius in omnes istas terras, silvis densis atque asperis ob-sitas penetrare (63), multo minus eas subjugare stabili-que coērcere imperio valuisse: unde toties in easdem similes expeditiones fuisse susceptas, legimus. Ac *Estonia*, *Curlandica* *Prussicaque* littora maturius læpiusque ab iis infestata esse, quam nostra hæc Fennica videntur; quod culta magis ditioraque essent. Certe *TACITUS* jam de *Æstyorum gentibus* commemorat, *Frumenta ceterosque fructus* eas patientius, quam pro solita *Germanorum* iner-tia, laborare (64); quo tempore idem de nostræ incolis oræ dici potuisse, nemo credo contendet. Ac *WULESTA-NUS* etiam, seculo IX, Regi *AELFREDO Eſtlandiam* ('Ter-ram Orientalem, h. e. eandem quam laudavimus Prus-sicæ, Curlandiaæ &c oram) describit ut opulentam & flo-rentem (65). Mercaturam præterea magnam ac quæ-stuo-

(63) Si opportunitatem fluminum quorundam intrandorum excipias, difficultime penetrare iis seculis in Finlandiam, æstivo maxime tempore li-cuisse, facile patet; unde non nisi lente successisse interiorum provinciarum occupationem, etiam cum constantiori postea consilio tentaretur, no-vimus. Insulas autem quasdam littori objectas Fennico, quas ante devi-ctam a R. *Erico Sancto* continentem ad Svecos jam pertinuisse a vero non abhorret, per occasionem talium expeditionum navalium occupatas fuisse Svecisque colonis tenendas traditas, haud incertum; *Alandiam* inpri-mis, Svecis ante religionem Christianam jam paruisse, vel ex tumulis se-pulcralibus (*Littehdgar*) in hac insula obviis probabile fit, quales nec in cæteris insulis nostris nec in ora maritima cernuntur. Magnis tamen te-nebris has res esse obiectas, fateri cogimur.

(64) *De Mor. Germ.* C. 45. Majorem hunc cultum divitiasque insi-gniores horum populorum, ex mercatu *Elettri*, ei jus querendi causâ veteres jam Phœnicios illas navibus adiisse oras Cel. *SCHLÖZER* putat, quod-que tanta cupiditate Græci ac postea maxime Romani coēmerunt, deri-vare quis possit. Cfr. *SCHLÖZERS Sörfölk til en allm. Hist. om Handel och Sjöfart uti the äldsta tider*, §. 144; *Ejusd. Allg. Nordische Gesch.* *Vorläufige Abh.* Abschn. I, §. 2-27.

(65) Vid. *LANGEBEK* I. c. T. II, p. 118-123. - Apud *STURLONI-DEM* igitur vestigia occurrunt expeditionum in *Eſtlandiam*, (has puto *Prus-*

stusam cum proximis Russiae regionibus satis mature a Wisbyensibus &c. factitatem fuisse, cum constet; materiam cupiditati classium piraticarum uberiorem hinc fuisse enatam, consiliaque ducum ad illas terrarum partes aggrediendas versa, probabile est: ut narrationes veterum, de Regum *Holmgardicorum* cum Sveonibus & foederibus & certaminibus præterea, quas diligentius examinare, atque cum iis quæ de communibus *Warægorum* & *Rusorum* vetustorum rebus commemorat NESTOR compare, instituti ratio non permittit: de quibus, præter multos alios, cfr. THUNMANN über die Gesch. der Ostl. Europ. Völker, I Th. p. 381-390. Regis vero *Ivari Widfadme* celebratum in *Eßlandiam* atque *Curlandiam* &c. imperium, non aliis fuisse generis quam postea *Styrhiorum* multorumque aliorum ducum, classibus suis mare Balticum accolasque ejus infestantium ac terrentium, credimus, quibus R. denique *Erici Victoriosi* potentiam addimus, quam extollens *Chronicon Rhythmicum minus* (testis de vetustis his rebus non certissimus), dicit eum *Eßlandiam*, *Livoniam*, *Curlandiam* & *Finlandiam* non modo armis victricibus subjugasse, sed etiam deinde per totam vitam suam nutu ac ditione gubernasse (Ed. Hadorph. p. 8). *Thorngyrs* quidem l. c. nihil aliud docet nisi *Sveorum imperium*, (quibus provinciis? nam & *Daniam* subegisse, alii scriptores tradunt, non addit), ac strenue defendisse (*jök ban riki Svia, em vardi hardfengliga*). Obscura igitur hæc atque parum certa, quæ de *Finlandia* vicinisque regionibus, illis jam seculis a *Svionibus* tributariis factis imperiove suo adjunctis, circumferuntur.

---

*Seas, Curlandicas, Livonicas, aut etiam Russicas oras), a Svionibus susceptarum jam seculo circiter VII; cfr. Engl. Saga C. 36, de expeditione R. Ingvari Harræ; quam ad Wolgæ usque viciniam &c extendere, nimis videtur nobis portentosum.*

<i>Latine</i>	<i>Fennice</i>	<i>Estonice</i>	<i>Lapponice</i>	<i>Tscherem.</i>	<i>Morduan.</i>	<i>Hogulice</i>	<i>Wotice</i>	<i>infra resow</i>	<i>Ostiaki</i>	<i>Be- refow</i>	<i>supra Be- refow</i>	<i>Permice</i>	<i>Sirjænico</i>	<i>Tschuw.</i>	<i>Russice</i>	<i>Tatarice</i>
Unus	Yxi	Yx	Akt	Iktat	Weigke	Åku, <i>aku</i>	Odikk, o- key	It	Yhoi	Ötik	Ötik, o- tin	Per, bär	Odinn	Bärr		
Duo	Kaxi	Kax	Qwekte	Kocktat	Kaffta	Kytti, ki- teg	Kikk, <i>kyk</i> , kye	Kat	Kathoi	Kyk	Kyk	Ike	Dwa	Ika		
Tres	Kolme	Kolm	Kolm	Kummut	Kolma	Chorum	kwin, <i>pin?</i>	Cholym	kulumhoi	Kuiim	Kuim	wise, <i>mysse</i>	Tri	Uss		
Quatuor	Neljä	Nelli	Nelje	nilit, <i>nillet</i>	Nille	Nilä, <i>mille</i>	Nill	Nell	Nithoi	Njol	Njol	Dwatta	Tschetire	Döt		
Quinque	Wiisi	Wiis	Wit	wisit, <i>wys-</i> set	Wiette	Att	Wit	Wet	Wethoi	Wit	Pillek, <i>bil- lek</i>	Pjät	Besch			
Sex	Kuusi	Kuus	Kut, <i>kot</i>	Kudut, <i>ku- dat</i>	Kota	Chot	Kutt, <i>kwat, pat?</i>	Chot	Hothoi	Kmat	Kwait	Olta, alta	Scheft	Alta		
Septem	Seitzemän	Seitse	Kjetja	Schimit, <i>Schimmel</i>	Ssisim	Slatt	Sisim	Tabyt?	Tabethoi	Sisim	Sisim	Sitsche	Semm	Dschide		
Octo	kahdexan	Kahdexa	Kaktse	Kanda- sche	Kauxa	Njulolau, <i>nöllou</i>	Kiamiss, <i>kikjamas</i> ,	Niil	Nilehoi	Kökjam- mas	Kakja- mas, kak- jomin	Sakar, <i>faggar</i>	Wołem	Segus		
Novem	Yhdexän	Yhhexa	Akte, åkt- se	Inde- schen	Weixa	Ondolau	Ukmys	Ertjang	Orjonhoi	Ykmyss	Ökmyss	Tuhurr, <i>Tychor</i>	Djewjät	Togus		
Decem	Kymme-	Kymme	Lokke	Lu	Kymen	Lu	Dass, <i>doss</i>	Jang	Jonhoi	Dass	Dass	Wönnna	Djeset	On		
Centum	Sata (nen)	Sadda	Tjuote	Sjudu, <i>Sjada</i>	Sjuda	Schott- schät	Sju, <i>Ssu</i>	Slat	Sothoi	Tschwa	Schjo	Schurr, <i>Sjyr</i>	Sto	Dljsus		
Mille	Tuhanen	Tuhhat		Tuschem	Toschen	schodara, <i>schott</i>	Sjurls, <i>surs</i>	Tschoros	Tschju- rus		Schjurls	Pin, <i>Pyn</i>	Tisetzæ	Myn		
Deus	Jumala	Jummal	Jubmel	Juma	Pass	Torom	Inmar, <i>Jumar</i>	Torom	Turum	Zen	Zen, En	Tora, tor	Bogh	Tårá, Gu- dài		
Cœlum	Taiwas	Taevas	Alme	Pilpomm	Menil	Numi	Tschinkit	Num	Turum	Kymar, <i>kumar</i>	Zen-Esch	Pyl, <i>pyllyt</i>	Njebo	Kuk		
Nubes	Pilwi	Pilw	Palw	pill, <i>pullun</i>	Pjel	Tull, <i>pul</i>	Pielem, <i>pillèm</i>	Pelyng	Pillem	Kymar	Kymar	Pjult- plott, <i>pyllyt</i>	Oblock	Awadäh		
Ventus	Tuuli	Tuul	Piägg	Mardesch	Warmäh	Wot	Tell, <i>tillö</i>	Wat	Wot	Tyl, <i>töl</i>	Töl, tol	Sull, <i>Sill</i>	Weterr	Dschil		
Nix	Lumi	Lummi	Muot, <i>Lobme</i>	Lum	'Tuit	Lymy	Lois	Ltoitsch	Lym	Ljym, lou	Jorr	Snegh	Kar			
Sol	Auringo, <i>Päivä</i>	Päiw, <i>Pääw</i>	Peiwe	Ketsche, <i>Ketscha</i>	Ko, <i>Scbi- bass</i>	Chodel	Scbundi	Chat'l	Chottel	Schonde	Schondi	Cbwel, <i>scbwel</i>	Solntza	Kujasch		
Luna	Kuu	Ku	Mano, ask	Tilsa, Ta- sia	Tiltische, <i>ko</i>	Jungop	Toles	Tyls	Tyleisch	Töllis	Tyllis	sich, <i>oicib</i> , <i>ujech</i>	Luna, me- setz	Ai		
Ignis	Tuli	Tulli	Tåll	Tull, tut?	Tol	Ulå, <i>taut</i>	Tull, <i>Tyll</i>	Tut	Tyt	Bi	Bi	Vutt, vott <i>vod</i>	Oghonn'	Ot		
Aqua	Wesi	Wessi	Tjatse	Wjut, <i>vyd</i> , <i>Vyt, miuch</i>	Wjed	Wity, <i>uti</i>	Wu	Eng	Jyng	Wa	Wa	Schiff, <i>Schiwa</i>	Woda	Ssu		

<i>Latine</i>	<i>Fennice</i>	<i>Estonice</i>	<i>Lapponice</i>	<i>Tscherem.</i>	<i>Morduan.</i>	<i>Wogulice</i>	<i>Wotice</i>	<i>infra refow</i>	<i>Be- refow</i>	<i>supra Be- refow</i>	<i>Ostjaki</i>	<i>Permice</i>	<i>Sirjenice</i>	<i>Tschuw.</i>	<i>Russice</i>	<i>Tatarice</i>
Fluvius	Joki, <i>Kymi</i>	Jöggi, Jökki,	Jokk, ädno	Enger, juger (parvus) witz (ma- gnus)	Wjed	Ja	kam(mag- nus) Schur (parvus)	Jugan	Sigengalt	Ju	Ju	Adal, sir- ma	Reka, ret- schka	Idel (ma- gnus), Slu (parvus)		
Lacus	Järvi	Järw	Jaure, Pluewe	Jer	Erke, jer- ke	Maråvi- tor, tu*	Tyy	Tuvu	Låtor	Ty	Ty	Kyl	Ofero	Kul		
Terra	Maa	Ma	Ådnam	Rock, melân- te, mylände	Moda	Mag	Musjem	Muu	Myg	Mu	Mu	Sir, Sser	Semlja	Dscher		
Lapis Ferrum	Kivi Rauta	Kivvi Raud	Kedke Route	kju, ky, py? Timerr, Kyrtnå, Kjurtnto	Kjåw Kjni, ksnje	Achtyisch Ker	Ils Kort	Kévu Karti	Kiw Wog	Is Kört	Is Kört	Tschol Timer, Kimer	Kamen Schelešo	Tasch Témir		
Homo	Ihminen	Innime, &c.	Almats	Jen, jeng, Dian	Lomän	Elym- chols	Adjami, hadiami, kurt, murt	Cho	Choijet	Murt, Mort	Mort	Sfin, arfin	Tschelo- viæk	Kschi		
Vir Oculus Auris	Mies Silmå Korwa	Mees Silm Körw,	Ålma Tjalme Pelje	Jen, obkså Schinså Pillisch	Mirdém Sfjelmå Pilå	Chum Schem Pei, pall	Kart Sfin, schin Pell, pjel	Cho Ssem Pel	Ssem Peit	Aika Sines, ssin Pilles, pel	Weres Sin, schin Pet, Pjel	Sfin, obkså Kos, kos Chuleha,	ticheloviæk Glas Ucho	Ir Kuss Kullák		
Labium Lingua	Huuli Kieli	Huul, uul Keel	Pangsem Njuok- tjem	Tyrba, tjur- tschilghi, Jilmå	Túrwa Kjel	Pitmi Nelom, nielm	Vmdor Kill, kyll	Toryp Nulyar	Pellem Nälem	Tyripiess Kyl	Vom-dor Kyw	Tota Tschilgå	Guba Jaš'ik	Ir Tell		
Tugurium Arcus Sagitta	Kota, pirti Joutzi Nuoli	nool, kang Nool	Kåtats Jouks Sådde, njuol	pört, portt Jonggescb Pikscb	Kudas + Jonk + Nall	Koł, okon Jugyt Nall, njel	Korkab Wyscb Niél, pu- kascb	Chat Jugol Njul	Chot Jugol Njul	Kerku Wutsch Njol, njol	Kerka Wudsch Njow, lyis?	Sfort Uch Symren	If'ba Strela Pila	Ju, D'sjurt D'schaia, ja Ok		
Piscis	Kala	Kalla	Qwele	Kol, Kal	Kal	Chul	Ischorik	Chull	Chul	Tscheri	Tschérik	Pôle	Riba	Balík		